

Broj: 10-02-2-379-1/23

Datum: 22.09.2023. godine

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BIH  
DOM NARODA**  
n/r sekretara, Izmir Hadžiavdić ✓

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno:		26-09-2023	
Org. jed.	Broj	Priloga	Vrijednost
05/2	02	280	23

**BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE**  
n/r sekretara, Edita Kalajdžić

**PREDMET:** Odgovor na inicijativu delegata Zalihić Armana, dostavlja se

**VEZA:** - akt Doma naroda Parlamenta Federacije Bosne i Hercegovine broj: 05/2-02-280/23 od 05.09.2023. godine  
- akt Vlade Federacije Bosne i Hercegovine broj: 03-04-1020-2/23 od 11.09.2023. godine;

Federalna uprava civilne zaštite (u daljem tekstu: FUCZ) je preko Vlade Federacije Bosne i Hercegovine zaprimila Inicijativu delegata Zalihić Armana u Domu naroda Parlamenta Federacije Bosne i Hercegovine, broj i datum navedeni u vezi, a koja se odnosi na Zaključak naveden u tački 3. koji je Vlada Federacije BiH donijela na 308. sjednici održanoj 17.03.2022. godine, V.broj: 356/2022 od 17.03.2022. godine.

Smanjenje zagađenosti prostora minama i eksplozivnim sredstvima zaostalim iz rata predstavlja jedan od tri strateška cilja FUCZ, te se prilikom odabira projekata za deminiranje uzimaju u obzir i projekti koji u skladu sa odgovarajućim razvojnim i drugim planovima, predloži Vlada Federacije Bosne i Hercegovine, vlade kantona, općinski, odnosno gradski načelnik/gradonačelnik. Imajući u vidu da je inicijalni zahtjev za deminiranje zadatka ID 14320 „Kutlivač 1 k.c. 2180 – 2190“ dostavljen od strane Federalnog ministarstva energije, rudarstva i industrije FUCZ je navedeni zadatak predložila za Listu prioriternih zadataka za deminiranje u 2022. godini na koju je Vlada Federacije BiH dala saglasnost Zaključkom: V.broj: 356/2022 od 17.03.2022. godine.

U skladu sa ovlaštenjima FUCZ je postupajući po aktu Federalnog ministarstva energije, rudarstva i industrije broj: 06-14-1-95/22 od 20.01.2022. godine podnijela zahtjev na osnovu kojeg je Centar za uklanjanje mina u BiH dana 08.04.2023. godine izdao projektну dokumentaciju „crveni folder“ za deminerski zadatak ID 14320 „Kutlivač 1 k.c. 2180 – 2190“, u Gradu Mostaru.

Na osnovu izdate projektne dokumentacije dana 12.04.2022. godine predstavnici FUCZ obišli su lokalitet predmetnog zadatka koji se nalazi u blizini mjesta Kuti. Utvrđeno je da se radi o području koje je tokom rata bilo između linija konfrontacije, a za koje postoje određeni tragovi i informacije koje upućuju na minsku opasnost. Na obilasku su bili prisutni i predstavnici eko udruženja „Kuti“ koji su priložili dokumentaciju o vlasništvu dijela pristupnog puta, u kojoj je navedeno, da dio puta pripada privatnim licima, te su naveli da ni u kom slučaju nisu saglasni za korištenje puta za potrebe deminiranja.

U cilju rješavanja mogućnosti pristupa predmetnom deminerskom zadatku FUCZ uputila je akt Gradu Mostaru sa upitom da li je pristupni put od groblja u Kutima do lokaliteta Zukulje javna površina i na koji način se može pristupiti zadatku. Služba za katastar Grada Mostar dostavila je skicu alternativnog pristupnog puta. Nakon toga predstavnici FUCZ izvršili su obilazak trase pristupnog puta koja je ucrtana u kopiju katastarskog plana izdatog od strane Službe za katastar Grada Mostara broj 07-32-1697/22 od 17.05.2022. godine, prilikom čega je ustanovljeno da je put zarastao vegetacijom i da je neprohodan za kretanje ljudi i vozila. Obzirom da FUCZ nije nadležna da izvodi radove na formiranju pristupnog puta do zone izvođenja radova, nisu započeti radovi na deminiranju predmetnog zadatka kako je prvobitno planirano.

Dana 21.07.2023. godine FUCZ je zaprimala molbu za obilazak terena od strane Majdan – Kuti d.o.o, radi uvida u stanje pristupnog puta, za koji su tvrdili da je skoro očišćen i prohodan. Tokom obilaska predstavnici FUCZ zaključili su da put nije u potpunosti prohodan za vozila koja bi se koristila za vrijeme deminiranja zadatka ID 14320 „Kutlivač 1 k.c. 2180 – 2190“, te da se nisu stekli uslovi za početak radova.

FUCZ nije strana u sporu koji se vodi između pravnog lica Majdan Kuti d.o.o. i Eko udruženje „Kuti“, te u ovom slučaju fokus svojih aktivnosti stavlja isključivo na protivminsko djelovanje. FUCZ aktivnosti na protivminskim akcijama provodi u skladu sa Zakonom o deminiranju u Bosni i Hercegovini („Službeni glasnik BiH“, broj: 5/02), kao i Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), a Centar za uklanjanje mina u BiH je nadležan za vođenje centralne baze podataka o minskim poljima i klasifikovanje područja prema riziku od mina.

Ukoliko Centar za uklanjanje mina u BiH u narednom periodu formira zadatak za deminiraje metodom „vraćanja površine“ koji bi obuhvatao pored predmetnog zadatka i šire područje brda Orlinka, FUCZ bi u skladu sa vlastitim deminerskim resursima i kapacitetima razmotrila mogućnosti za realizaciju takvog projekta u narednom periodu.

P.O. VLADE FEDERACIJE BIH  
POMOĆNIK DIREKTORA

Murat Baručija

**Dostavljeno:**

1. Naslovu,
2. Federalno ministarstvo energije, rudarstva i industrije,
3. Federalno ministarstvo okoliša i turizma,
4. a/a.